



Sulinermik Inuussutissarsiuqartut  
Kattuffiata

aamma

Nuup Bussii A/S-ip

akornanni

**Isumaqatigiissut**

1. april 2024 - 31. marts 2027

## Imarisai

§ 1 - Isumaqatigiisummi pineqartut. ....	3
§ 2 - Atorfinititsineq. ....	3
§ 3 - Suliffiup sivisussusia. ....	3
§ 4 - Akissarsiat. ....	4
§ 5 - Atorfeqarsimanerup sivisussusia / pikkorissutsimut tapisiat. ....	4
§ 6 - Qaangiuttoorneq. ....	5
§ 7 - Sapaatini nalliuttunilu tapisiat aamma nalliuttuni ulluinnartigoortuni akissarsiat. ....	5
§ 8 - Pigaartuunermut tapi. ....	6
§ 9 - Persaqusersorneqarnermut akiliutit. ....	6
§ 10 - Soraarnerussutisiaqalernissamut akiliutit taakkualu akilerneqartarnerat. ....	7
§ 11 - Atisat Uniformit. ....	7
§ 12 - Assuarliuteqarsinnaatitaaneq. ....	7
§ 13 - Suliamik unitsitsigallarneq. ....	7
§ 14 - Sulingiffeqarneq aamma sulingiffeqarnermut. ....	8
§ 15 - Napparsimaneq. ....	8
§ 16 - Naartuneq, ernineq qitornavissiartaarnerlu. ....	8
§ 17 - Meeqqap napparsimanerani ullormi siullermi sulingikkallarneq. ....	9
§ 18 - Sulingikkallarnerit immikkut ittut allat. ....	10
§ 19 - Qinikkatut pisortanillu toqqakkatut suliassaqaartitaaneq. ....	11
§ 20 - Toqukkut qimagaanersiuutit. ....	11
§ 21 - Aaqqiagiingissuutit. ....	12
§ 22 - Sulisut sinniisaat pillugit aalajangersakkat. ....	12
§ 23 - Soraarniuteqarnermik soraarsitsinermillu kalerriuteqarnerit. ....	12
§ 25 - Aningaasaateqarfiit. ....	13
- Qaammarsaanermut ilinniartitaanermullu Aningaasaateqarfik	
- Sulingiffeqarluni Angalanermut Aningaasaateqarfik	
- Isumaginninnikkut Aningaasaateqarfik	
§ 25 - Pooqattanik misissuineq. ....	14
§ 26 - Piffissaq isumaqatigiissutip atuuffia. ....	14

## **§ 1 - Isumaqatigiissummi pineqartut.**

Isumaqatigiissummi uani pineqarput chaufførit, mekanikerit Nuup Bussii A/S-imi sulisorineqartut.

**Imm. 2.** Sulisoq isumaqatigiissummi pineqarnerisq nalornissutigineqarpat apeqqut tamanna illua'tungeriinnit isumaqatigiissuteqartunit aalajangiivigineqassaaq.

## **§ 2 - Atorfinitsitsineq.**

Chaufføritut atorfinitsinneqassapput inuit angisuumik ingerlatsisinnaanermut allagartallit, inuussutissarsiutigalugu inunnik angallassinnaanermut uppersaasikkamik. Chaufføri atorfinitsinneqassaaq piffissaq tamakkerlugu atorfeqartutut imaluunniit piffissap ilaannaatigut atorfeqartutut.

**Imm. 2.** Mekanikeritut atorfinitsinneqassapput inuit svendebrevimik, ilinniarsimanermut uppersaammik imaluunniit inuussutissarsiutinik tunngaviusumik ilinniagaqarsimanermut STI-miluunniit ilinniagaqarsimanermut assingusumik uppersaatissaqartut, kiisalu angisuumik ingerlatsisinnaanermut allagartallit, inuussutissarsiutigalugu inunnik angallassinnaanermut uppersaasikkamik.

**Imm. 3.** Kalaallit Nunaannut suliffissarsiortut killilersimaarnissaat pillugu Inatsisartut inatsisaat qaqugukkulluunniit atuuttoq illua'tungeriit sianigaat.

**Imm. 4.** Aammattaaq Nuup Bussii A/S isumaqatigiissut manna aqutigalugu kajumissaarerusuppoq sulisumi SIK-mut ilaasortanngornissaannut.

**Imm. 5.** Isumaqatigiissut una tunngavigalugu atorfinitsitsineri, atorfeqarnermut isumaqatigiissutip assinga SIK-p mail-ianut: [TR\\_SIK@sik.gl](mailto:TR_SIK@sik.gl) nassiunneqassaaq.

## **§ 3 - Suliffiup sivilissusia.**

Piffissaq nalinginnaasumik suliffiusartussaq sapaatip akunneranut nalunaaquttap akunnerinik 40-nik sivilissuseqarpoq, ataasinngornermiit sapaat ilanngullugu naatsorsorneqartartoq.

Piffissat suliffiusut ullunut 5-inut agguataarneqassapput, marloriarluni ulloq unnuarlu sulinnigiffiusassalluni, allamik isumaqatigiissuteqartoqarsimangippat.

**Imm. 2.** Piffissaq ullormut suliffiusartussaq aalajangersarneqartassaaq ataavartumik sulisartunut (taakkulu sinniisaannik oqaloqatiginnereernikkut, sullivimmullu iluaqutaasussaq naatsorsuutigalugu). Isumaqatigiinngittoqartillugu S.I.K assuarliuteqarsinnaatitaavoq § 12 – Assuarliuteqarsinnaatitaaneq naapertorlugu. Protokollat malillugu isumaqatigiissutigineqarpoq

ataavartumik sulisunut piffissap suliffiusup inissinneqarnissaa nalunaaquttap-akunneri 8-ini aamma 15 minutsit iluini sulissutigineqassasoq.

**Imm. 3.** Bussimik ingerlatsinermi nal. ak. 3-t minutsillu 45-t qaangerneqarpata akissarsiaqarluni unillatsiartoqarsinnaavoq nalunaaquttap akunnerata affaani. Bussimik ingerlatsinermi piffissat protokollat malillugu aqqissuunneqassapput.

#### **§ 4 - Akissarsiat.**

Buschaufførit aamma mekanikerit akissarsiaqartinneqassapput akissarsiat tunngavii uku naaper-torlugit: Akissarsiasat naatsorsorneqalissapput nalunaaquttap-akunnerata kuartiata aallartinneranit, kisitsinerliornermut tapit ilanngullugit.

	1.apriili 2024	1.apriili 2025	1.apriili 2026
Chaufførit	188,95	193,65	198,35
Mekanikerit	220,95	225,65	230,35

#### **§ 5 - Atorfeqarsimanerup sivissusua / pikkorissutsimut tapisiat.**

Atorfeqarsimanerup sivissusua / pikkorissutsimut tapisiat naatsorsorneqassapput akunnerup kuartiata aallartinneranit.

Atorfeqarsimanerup sivissusua naatsorsorneqalissaaq ingerlatsivimmi atorfi-nitsinneqarneq aallartiffigalugu. Ingerlatsiviup atorfinerlaat sionatigut suliffeqarfimmi allami inuussutissarsiornikkut naleqquttumik misillittagaqarneri tunngavigalugit atorfeqarsimanikkut sivissusuliiffigisinnaavai ataasiakkaarlugit isumaqatiginiareernerisigut.

**Imm. 2.** Buschaufføritut atorfinititsinermi atorfeqarsimanerup sivissusua tunngavigalugu tapeqartitsisoqassaaq buschaufføritut pilersaarutit malillugit angallassilluni sionatigut sulisimaneq uppernarsaatissaqartinneqarpat.

**Imm. 3.** Mekanikeritut ilinniarsimasutut atorfinititsinermi atorfeqarsimanerup sivissusua tunngavigalugu akissaasersorneqarneq siusinnerpaamik ilinniarnepup naammassineranit naatsorsorneqalissaaq.

**Imm. 4.** Sulisoq soraarsinneqarpat qaammatilli 6-it qaangiutsinnagit atorfinitseqqinneqarluni suli-sup sulinermi unitsinneqarnerata tungaanut atorfeqarsimanermi sivissusuanik / pikkorissutsimut tapisiasanik katersareriikkani atatiinnassavai.

**Imm. 5.** Napparsimanerit nalaanni sulinermilu ajoquserneq pissutigalugu sulisinnaajunnaaqqanermi, erninnermut qitornavissiarternermullu atatillugu sulinnginnermi kiisalu qinikkatut sulinngiffeqarnermi atorfeqarsimanerup sivilissusianik / pikkorissutsimut tapisiassanik katersisoqassaaq.

**Imm. 6.** Chaufførit aamma chaufførinut paarlattaasut atorfeqarsimanerup sivilissusia / pikkorissutsimut tapisiassat tunngavigalugit nalunaaquttap akunneranut akissarsiaat ilaneqartassapput ima aningaasartalerlugit:

Ukioq 1 atorfeqareernermi	3,00 kr.-it.
Ukiut 2 atorfeqareernermi	4,50 kr.-it.
Ukiut 3 atorfeqareernermi	6,00 kr.-it.
Ukiut 4 atorfeqareernermi	7,25 kr.-it.
Ukiut 5 atorfeqareernermi	8,75 kr.-it.
Ukiut 6 atorfeqareernermi	11,25 kr.-it.
Ukiut 9 atorfeqareernermi	13,75 kr.-it.

## **§ 6 - Qaangiuttoorneq.**

Ullut 7-it ingerlaneranni nalunaaquttap akunneri 40-t sinnerlugit suligaanni § 3 imm. 1 naapertorlugu nalunaaquttap akunneranut akissarsiat ima taperneqassapput:

Akiliutigineqassapput nalunaaquttap akunneranut akissarsiat 50 procentii. Qaangiuttoornersiassanik katersisoqassaaq nalunaaquttap-akunnerata kuartiata aallartinneranit.

**Imm. 2.** Aaliangersimasumik atorfeqartunut, qaangiuttoornissaq ullumi pineqartumi suliffissap nalinginnaasup naanissaa nal. akunnerinik 5-inik sioqqullugu ilimasaarutigineqareersimassaaq. Ilisimatitsineqanngippat nal. akunnerisa qaangiuttoorfiit saniatigut qaangiuttoornersiffissat nal. akunneranik 1- imik ilaneqassapput tapit ilanngullugit.

## **§ 7 - Sapaatini nalliuttunilu tapisiat aamma nalliuttuni ulluinnartigoortuni akissarsiat**

Sapaatini nalliuttunilu sulinermi nal. akunnermusiaq tapeqartinneqassaaq. Tapisiaq nal. akunneranut akissarsiap 50%-erissavaa katersorneqassallunilu akunnerup kuartiata aallartinneranit. Qaangiuttoorneruppat § 6 naapertorlugu tapisisitsisoqassaaq.

**Imm. 2.** Nalliuttuni ulluinnartigoortuni ima akissarsiaqatitsisoqassaaq:

	<b>Ullormut</b>
Nalliuttumi ullormi ilivitsumi	325,00 kr.
Nalliuttumi ullup affaanut	185,00 kr.

**Imm. 3.** Ullut nalliuttut naatsorsuutigineqartut tassaapput:

- a) Ukiortaaq, 1. januaari
- b) Kunngit pingasut ulluat (nal. 12-ip kingorna), 6. januaari,
- c) Sisamangorneq illernartoq,
- d) Tallimangorneq tannaartoq,
- e) Poorskip ullua aamma Poorskip ulluisa aappaat,
- f) Nunani tamalaani sulisartut ulluat 1. maaji nal. 12-ip kingorna)
- g) Tussiarfissuaq,
- h) Qilaliarfik,
- i) Piinsip ullua aamma Piinsip ulluisa aappaat,
- j) Inuiattut ullorsiorfik, 21. juuni, (ulloq tamaat)
- k) Juulliaraq, 24. decembari
- l) Juullip ullua, 25. decembari
- m) Juullip ulluisa aappaat, 26. decembari
- n) Ukiutoqaq, 31. Decembar

### **§ 8 - Pigaartuunermut tapi.**

Sulisut piffissap suliffiusup nalinginnaasup avataatigut radioqartinneqartut / mobileqartinneqartut pigaartuunermut immikkut ittumik tapisiaqartinneqassapput. Pigaartuunermut tapisiaq ulluinnarni sillimanermut ataatsimut 300,00 kr.-iussaaq sapaatinilu 500,00 kr.-iussalluni. Nukinginnartumik qaangiuttoortariaqalernermit § 6 atuutissaaq.

**Imm. 2.** Sulisoq nalinginnaasumik piffissap suliffiusup avataatigut suliartoqquneqarpat minnerpaamik nal. ak. 4-nut akilerneqassaaq tapisiaasinnaasut ilanngullugit. Akunnerit 4 qaangeraanni aaliangersimasumik tapisiaqartitsoqassaaq kr. 300 –ninik.

### **§ 9 - Persaquesorneqarnermut akiliutit.**

Unnuakkut sulinermit akiliutitit persaquesorneqarnermut tapisiaqartitsoqassaaq imaattumik: Nalunaaquttap-akunneranut 45,00 kr. Persaquesorneqarnermut tapisiaq akun-nerup kuartiata aallartinneranit katersorneqartassaaq.

- |   |   |
|---|---|
| 1) Ulluinnarni                          | nal. 18.00-ip aamma 05.45-ip akornanni. |
| 2) Arfininggornermiit ataasinggornermut | nal. 14.00-ip aamma 00.45-ip akornanni. |

## § 10 - Soraarnerussutisiaqalernissamut akiliutit taakkualu akilerneqartarnerat.

Isumaqatigiissut manna malillugu sulisut uunga ilaatinneqarput: Sulinermik Inuussutissarsiu-teqartut Soraarnerussutisiaqalernissamut Aningaasaateqarfianut (Sulisartut Soraarnerus-sutisiaqalernissamut Aningaasaateqarfiat) malittarisassat sukkulluunniit atuuttut naapertorlugit. Soraarnerussutisiassanut akiliutit naatsorneqassapput § 4 – Akissarsianit.

**Imm. 2.** Sulisup akileeqataassutissaa 1/3-uvoq sulisitsisullu akileeqataassutissaa 2/3-ulluni. Soraarnerussutisiassat imatut qaffanneqarput:

1 april 2024 -miit	
Sulisup akileeqataassutaa	4,55 %
Sulisitsisup akileeqataassutaa	9,53 %
Katillugu;	14,08 %

## § 11 - Atisat Uniformit.

Nuup Bussii A/S pisussaavoq sulisut (chaufførit aamma mekanikerit) uniformeartissallugit unifor-meqarnermut malittarisassat naapertorlugit. Uniformeqarnermut malittarisassat suliarineqas-sapput sulisut sinniisaat qaqugukkulluunniit atuuttoq suleqatigalugu.

## § 12 - Assuarliuteqarsinnaatitaaneq.

SIK assuarliuteqarsinnaatitaavoq ulluinnarni piffissap suliffiusartup aammalu sulisannginnerit sulisut kissaataannut naapertuuttumik naatsorsuutigineqanngissorigunigit, aammalu tamanna suliffimmut pitsaanerususaaq eqqarsaatigalugu naammattumik tunngavissaqarsorinngikkuniuk.

**Imm. 2.** Nalornissutigineqalerpat sulisartuq tapisianik tapisiaqartinneqarsinnaanersoq tamannalu pillugu sinniisoq aqquutigalugu saaffiginnissutit naammaginartumik aaqqinneqanngippata suliassaq Tunngaviusumik Isumaqatigiissummi aalajangersakkat sukkulluunniit atuuttut naapertorlugit suliarineqarsinnaavoq, Naalakkersut aamma Sulinermik Inuussutissarsiu-teqartut Kattuffiat akornanni isumaqatigiissut naapertorlugit.

## § 13 - Suliamik unitsitsigallarneq.

Sulisoq sulinermi nalaani sila pissutigalugu unitsinneqartoq, allamillu suliassinneqarsinnaanngitsoq, minnerpaamik ullormut nalinginnaasumik sulinermut akissarsiaqartinneqassaaq §§ 4 – 9 naapertorlugit, angerlartitaanera piffissap suliffiusup pisarnertut aallartinnerani pigaluarpalluun-niit.

## **§ 14 - Sulingiffeqarneq aamma sulingiffeqarnerisutit.**

Sulisut feeriarneq pillugu Inatsisartut inatsisaanni nr. 10, 12. novembari 2001-imeersumi malittarisassat tunngavigalugit ukiumoortumik feeriarnissaminnut pisinnaatitaaffeqarput. Inatsisartut inatsisaanni kapitali 1, § 2 naapertorlugu malittarisassat immikkut ittut matuma ataaniittut isumaqatigiissutaapput.

**Imm. 2.** Sulisoq akissarsiarisimasami 12,5 procentiinik sulingiffeqarnerisutissaminik katersissaaq, kisianni uku katersaqaataassanatik: § 15 naapertorlugu napparsimanersutit kiisalu § 10 naapertorlugu soraarnerussutisiassanut sulisitsisup akiliutai.

**Imm. 3.** Sulingiffeqarnerisutinik pisassanik piumasaqarneq sulisitsisumut saqqummiunneqassaaq kingusinnerpaamik ukiup sulingiffeqarfiup naaneraniit qaammatit pingasut qaangiutsinnagit. Taamaattoqarsimanngippat aningaasat SIK-p Sulingiffeqarluni Angalanermut Aningaasateqarfiata pissavai, Sulingiffeqarluni Angalanermut Aningaasaateqarfik pillugu isumaqatigiissummut tapiliusaaq naapertorlugu.

## **§ 15 - Napparsimaneq.**

Sulisinnaajunnaarnermik kinguneqartumik napparsimagaanni napparsimanersuteqartitsisoqassaaq, napparsimalerneq sulisup nammineq piaarineratigut mianersuaalliorujussuarsimanageratigulluunniit pisimanngippat, tamannaluunniit ingerlatsivimmum nipangiussimanngippagu.

**Imm. 2.** Napparsimanermi ullormusiat ullormut napparsimaffiusumut 150,00 kr.-iupput ingerlatsivimmit akilerneqartussat.

**Imm. 3.** Ullormusiaqartitsineq unissaaq ullormi sulisup sulisinnaaleqqiffiani, sulisoq ingerlaanaq sulilingikkaluarpuunniit, aammalu sulisoq peqqissinerminik nalunaaruteqanngitsooraluarpuunniit. Ullormusiaqartitsinerli nangissaaq sulisup sulisinnaaleqqikkaluarluni suliffimmi najugaqarfia qimallugu napparsimanermi katsorsartereerluni aqutissaq pilertornerpaaq toqqaannartorlu atorlugu suliffimminut uternissaata tungaanut.

**Imm. 4.** Ullormusiaqartitsisoqarsinnaavoq sivirusnerpaamik sapaatip-akunnerini 26-ni qaammatit tulleriiginnaat 12-it iluanni. Sulisinnaannginnerli sulinerup nalaani ajutoornermik pissuteqarpat ullormusiaqartitseqqittoqarsinnaavoq suli sapaatip-akunnerini 13-ini.

## **§ 16 - Naartuneq, ernineq qitornavissiarnerlu.**

Sulisoq naartunermi, erninermi meeravissiarnermilu akissarsiani pinginnarlugit sulingiffeqartussaataavoq. Tamatumani pisinnaatitaaffiit Inatsisartut inatsisaanni qaqugukkulluunniit atuuttumi atortinneqartut malinneqassapput.



Takussutissiaq una meeqqamik ataatsimik naartunermi erninermilu akissarsiaqarluni sulinngiffeqarsinnaatitaanernik takutitsisuuvoq\*\*\*:

Anaanaasoq	Ataataasoq/anaanaaqataasoq
Erninissaq sapaatit akunnerinik sisamanik sioqqullugu (naartunermi sulinngiffeqarneq)	
Erninerup kingorna sapaatit akunneri 15-it (erninermut atatillugu sulinngiffeqarneq)	Erninerup kingorna sapaatit akunneri pingasut (ataataasutut sulinngiffeqarneq)*
Angajoqqaatut sapaatit akunnerini 21-ni sulinngiffeqarneq**	Angajoqqaatut sapaatit akunnerini 21-ni sulinngiffeqarneq**

\* Ataataasoq meeqqap inunngorneraniit sapaatit akunnerini siullerni 15-ini ataataasutut sulinngiffeqassaaq meerartaarneq.

\*\* Angajoqqaatut sulinngiffeqarneq angajoqqaat akornanni agguarneqarsinnaavoq angajoqqaalli marluullutik ataatsikkoorlutik angajoqqaatut sulinngiffeqarsinnaanngillat.

\*\*\* Marlulinermi imaluunniit amerlanerusunik ataatsikkut meerartaarnermi anaanaasup sulinngiffeqarfia sapaatit akunnerinit 15-init sapaatit akunnerinut 19-inut sivitsorneqassaaq angajoqqaatullu sulinngiffeqarneq sapaatit akunnerinit 21-init 25 -nut sivitsorneqarluni.

## § 17 - Meeqqap napparsimanerani ullormi siullermi sulinngikkallarneq.

Sulisoq piffissaq tamakkerlugu imaluunniit piffissap ilaannaani akissarsiaminik annaasaqarnani sulinngikkallarsinnaatitaavoq qitornap 15-it inorlugit ukiullip angajoqqaaminiittup napparsimanerani ullormi siullermi. Akissarsiaqarluni sulinngikkallartitaasoqassaaq qitornap pisariaqartumik paarineqarnissaa qulakkeerniarlugu. Ulloq meeqqap napparsimaffia siulleq ima paa-sineqassaaq ulloq suliffiusoq ilivisoq siulleq meeqqap napparsimamera pillugu sulinngitsoorfiusariaqartoq. Meeqqap ukiukitsup napparsimaleramera pillugu piffissaq suliffiusoq aallartereersoq sulisoq aggeqquneqarpat tamanna ullortut meeqqap napparsimaffiatut siullertut naatsorsuunneqassanngilaq, kisianni pissuteqarluni sulinnginnertut akissarsianik annaasaqaataa-sussaangitsutut.

**Imm. 2.** Meeqqap 15-it inorlugit ukiullip napparsimmavimmut unitsinneqarnerani angajoqqaat najuuffigisariaqagaanni ullut 12-it tikillugit akissarsianik annaasaqarnani sulinngikkallarsinnaatitaasoqassaaq. Tamanna aamma atuutissaaq meeqqap napparsimmavimmut unitsitaanerani peqqinnissaqarfiup akiligaanik angalanermi siumut utimullu angajoqqaat meeqqamut ingiallortaappata.

**Imm. 3.** Meeqqap napparsimavimmut unitsitaaneranut tamatumunngalu atatillugu angajoqqaat ingiallortitut angalaqataanerannut atatillugu sulinngikkallarneq sulisitsisumut uppersarsar-

neqarsinnaassaaq.

**Imm. 4.** Immikkut illuinnartumik pissutissaqartillugu nakorsamillu uppersarneqarpat sulingikkallarneq sivitsorneqarsinnaavoq ullut tallimat tikillugit.

**Imm. 5.** Atornerluinermi aaqqissuussineq sulisunut ataasiakkaanut atortussaajunnaarsinneqarsinnaavoq.

**Imm. 6.** Akissarsisitsisoqassaaq sulisup nalunaaquttap-akunnermusiaanik nalinginnaasumik, taanna piffissamut suliffissamut pilersaarussiaq malillugu nalunaaquttap-akunnerinik suliffiusussaa-tinneqartunik gangerlugu.

## **§ 18 - Sulingikkallarnerit immikkut ittut allat.**

Sulisut ilaquttamik qanigisamik perulullutik napparsimaneranni, toquneranni imaluunniit ilisaanerani akissarsiatik pigiinnarlugit sulingikkallarsinnaatitaapput ullut tallimat tikillugit.

**Imm. 2.** Ilaquttat qanigisat tassaapput: angajoqqaat, aapparisaq taamatulluunniit naatsorsuussat, qitornat qatanngutillu, kisianni aapparisaq taamatulluunniit naatsorsuussap ilaqtai pinnagit.

**Imm. 3.** Sulisut ilaquttamik qanigisamik perulullutik napparsimaneranni imaluunniit toquneranni, imm. 2 naapertorlugu, nakorsap allagarsiusaanik imaluunniit toqusup allagartaanik il.il. uppersaasikkamik qinnuteqarnermikkut akiliunneqarlutik angalasinnaatitaapput suliffigisamit napparsimaruluttup uninngavigisaanut imaluunniit toqusup najugaanut Kalaallit Nunaanni Danmarkimiluunniit.

**Imm. 4.** Imm. 1 naapertorlugu sulingikkallarnissamik kissaatigisaq allaganngorlugu uppersaatitalerlugulu sulisitsisumut tunniunneqassaaq.

**Imm. 5.** Taamatut sulinginnerup nalaani imm. 1 naapertorlugu akissarsiassat naatsorsorneqasapput piffissamut suliffissamut pilersaarummi sulisup piffissaq suliffigisartagaa nalunaaquttap-akunnermusiaalu nalinginnaasoq tunngavigalugit.

**Imm. 6.** SIK-p siulersuisuunerinut ilaasortat siulersuisuunerit ataatsimiinnerinut peqataanermiinnut atatillugu akissarsiaqarlutik sulingissinnaatitaapput amerlanerpaamik ukiumut sisamariarlutik.

**Imm. 7.** Sulisut uku akissarsiaqarlutik sulingissinnaatitaapput:

- a) SIK-p siulersuisuunerinut aamma SIK-p Inuusuttaasa siulersuisuinut ilaasortaasut,
- b) SIK-p Ataatsimeersuarneranut aamma Nakkutilliisoqarfiata ataatsimiinneranut peqataa-

sussat, aamma

- c) SISA-p siulersuisuisa ataatsimiinnerannut peqataasussat amerlanerpaamik ukiumut sismariarlutik.

**Imm. 8.** Akissarsisitsisoqassaaq taamaallaat piffissamut pineqartumut tunngatillugu suliffissamut pilersaarussiaq aamma § 4 naapertorlugit.

### **§ 19 - Qinikkatut pisortanillu toqqakkatut suliassaqtitaaneq.**

Isumaqtigiissut manna tunngavigalugu sulisut pisariaqarnera tunngavigalugu akissarsiaqarnatik sulinngikkallarsinnaatitaapput soorlu makkuninnga suliqaarnissaq siunertaralugu:

- a) Inatsisartunut ilaasortaaneq,
- b) kommunalbestyrelsimut ilaasortaaneq,
- c) ilagiit sinniisaannut ilaasortaaneq,
- d) atuarfiit siulersuisuinut ilaasortaaneq,
- e) kredsdommeriuneq,
- f) eqqartuusseqataasartuuneq,
- g) eqqartuussivimmi illersuisuuneq,
- h) SIK-p Inuusuttaasa siulersuisui aamma Sulinermik Inuusutisarsiuqartut Soraarnerussutisiaqalernissamut Aningaasaateqarfiata SISA-p siulersuisui,
- i) pisortanit suliassaqtitaanerit allat pisortanit SIK-p peqatigiiffiini siulersuisuni ilaasortanut imaluunniit SIK-p siulersuisuunerini ilaasortanut suliakkiutigineqartut.

### **§ 20 - Toqukkut qimagaanersiutit.**

Sulisoq suliffeqarfimmi sivikinnerpaamik ukioq ataaseq sulisooreersimasooq atorfeqarnermi nalaani toquppat aappaanut / inooqataanut imaluunniit qitornaanut 18-it inorlugit ukiulinnut qimagaasunut toqusup pilersugassarisimasaanut qimagaanersiutit § 4 naapertorlugi tunniunneqassapput:

Suliffimmi tassani sulisimagaanni:

Ukioq 1	Sap. ak. 2-ni akissarsiassat
Ukiut 2	Sap. ak. 3-ni akissarsiassat
Ukiut 5 sivilisunerumillu	Sap. ak. 4-ni akissarsiassat.

## **§ 21 - Aaqqiagiinngissutit.**

Isumaqatigiinngissutit suliarineqartassapput aaqqiagiinngissutit suliarineqartarnis-saannik Tunngaviusumik Isumaqatigiisummi sukkulluunniit atuuttumi sulinermut tunngasunik aaqqiagiinngissutit pillugit aalajangersakkat naapertorlugit, Naalackersut aamma Sulineramik Inuussutissarsiuteqartut Kattuffiat akornanni isumaqatigiisut naapertorlugu

**Imm. 2.** Inunnik ataasiakkaanik soraarsitsisinnaaneq atorneqaraangat tamanna kinaassu-sersiornermik tunngaveqartassanngilaq. Tamanna pillugu apeqqutit aaqqia-giinngissutit suliarineqartarnissaannik tunngaviusumik isumaqatigiisummi aalajangersakkat naapertorlugit suliarineqartassapput.

## **§ 22 - Sulisut sinniisaat pillugit aalajangersakkat.**

Naalackersuisut, Finansministeriap aamma SIK-p akornanni Sulisut sinniisaat pillugit isumaqatigiisut sukkulluunniit atuuttoq, allannguutit isumaqatigiisutit matuma pissutsillu allat malitsigisaat ilanngullugit kiisalu atugassarititat immikkut ittut matuma ataani imm. 2-mi 3-milu taaneqartut naapertorlugit.

**Imm. 2.** Sulisut sulisullu sinniisaata ataatsimiinneranni peqataaneg taamaallaat § 4 naapertorlugu akissarsiaqaataassaaq, tassa nalunaaquttap-akunneranut akissarsiat tunngaviusut akunnerup kuartianut qaninnerpaamut akunnaallisillugit, taamaallaat piffissamut suliffissamut pilersaarut malillugu sulinerup nalaani.

**Imm. 3.** Sulisut sinniisaasa ataatsimiinnerannut SIK-p Peqatigiiffiata suliffeqarfiup avataani aaqqisuusnaanut peqataanermi sulisut sinniisaat § 4 malillugu akissarsiaqassaaq, tassa piffissamut suliffissamut pilersaarut malillugu sulinerup nalaani akunnerup kuartianut qaninnerpaamut akunnaallisillugit tunngaviusumik akissarsiat, annerpaamilli ullormut nalunaaquttap-akunnerinut 8-nut.

## **§ 23 - Soraarniuteqarnermik soraarsitsinermillu kalerriuteqarnerit.**

Sulisunut matuma ataani imm. 2-mi taaneqartup saniatigut allatut kipiffeqanngitsumik ingerlatsivimmi sulisimasunut atuupput soraarniuteqarnermi soraarsitsinermilu siumoortumik kalerriisarnissamut aalajangersakkat imm. 2-mi 3-milu taaneqartut.

**Imm. 2.** Atorfinitsitaanermi qaammatip siulliup iluani atorfeqarnerup atorunnaarsinneqarnissanut tungasumik sulisitsisoq sulisorluunniit siumoortumik kalerriinissaminnut pisussaataangillat.

**Imm. 3.** Atorfinititaanermi qaammatip siulliup kingorna soraarsitsiniarnermi soraarniarnermi-luunniit siumoortumik kalerrinissat makku atuutissapput:

	Sulisitsisumit	Sulisumit
Ukioq siulleq (Kisianni qaammat 1 pinnagu)	Sap. Ak. 2	Ullut 3
Ukiut atorfeqarfiusut 2., 3., 4., aamma 5	Sap. ak. 4	Sap. ak. 2
Tamatuma kingorna	Sap. ak. 6	Sap. ak. 3

**Imm. 4.** Imm. 1-imi taaneqartutut pissusilimmik kipititsinertut naatsorsuutigineqassanngillat nap-parsimaneq ingerlaannartumik aamma nalunaaqutap-akunneri 24-t qaangiutsinnagit ingerlatsi-vimmut nalunaarutigineqartoq, erninermi sulinnginneq aamma maskiinamik unittoorneq, sulias-saaleqineq assigisaallu pissutigalugu sulinermik kipititsineq, sulisoq neqeroorfigineqarnermigut su-leqqilerpat.

**Imm. 5.** Siumoortumik kalerrisussaaneq atorunnaassaaq sulisoq sumiginnaappat imaluunniit sulif-fimmi suliassaarunneq maskiinanik unittoornermik pissuteqartumik tamakkiisumik ilaanna-kortumilluunniit naatsorsuutiginnisamik unittoornermik pissuteqartumik sulisoqarsinnaa-junnaarallarsimappat.

**Imm. 6.** Sulisunik ataasiakkaanik soraarsitsinissamut pisinnaatitaanerup atorneqarnerani assigiinngitsuliortoqassanngilaq. Suliffeqarfimmi ajunngitsussaaq pillugu soraarsitsisoqartassaaq, sumiiffimmilu isumaqatigiinniarnikkut isumaqatigiittoqarsinnaanngikkaangat isumaqatigiinnginneq isumaqatigiissitsiniartulerluni aaqqiagiinngissummik aalajangiisartunut saqqummiunneqassaaq, isumaqatigiinniartarnerni illua'tungeriit arlaata tamanna piumasarippagu.

**Imm. 7.** Soraarsitsineq soraarniarnerlu tamarmik allakkatigut pisassapput

## **§ 25 - Aningaasaateqarfiit**

Nuup Bussii A/S-ip akiliutissai ullut 14-ikkaarlugit kingumut akilerneqartassapput aningaase-rivimmut SIK-p toqqagaanut.

- Qaammarsaanermut ilinniartitaanermullu Aningaasaateqarfik  
Nalunaaquttap akunneranut suliffiqineqartumut 0,75 kr.-it.
- Sulinngiffeqarluni Angalanermut Aningaasaateqarfik  
Nalunaaquttap akunnerunut suliffiqineqartumut 0,70 kr.-it.

- Isumaginninnermut Aningaasaateqarfik  
Nalunaaquttap akunnerunut suliffigineqartumut

0,45 kr.-it.

## § 25 - Pooqattanik misissuineq.

Pooqattanik misissuisoqaraangat chaufføri ingerlatsivimmilu sulisut ikinnerpaamik marluk najuuttassapput.

## § 26 - Piffissaq isumaqatigiissutip atuuffia.

Isumaqatigiissut una 1. aprili 2024 atuutilerpoq. Isumaqatigiissut qaammatinik pingasunik sioq-qutsisumik kalerriuteqarluni 1. aprili illua'tungeriinnit atorunnaarsinneqarsinnaavoq, siusinnerpaamillu 31. marsi 2027-mi.

**Imm. 2.** Isumaqatigiissutip atorunnaarsinneqarnerata kingorna nutaamik isumaqatigiissuteqarnissap / aalajangersimasunik isumaqatigiissuteqarnissat tungaannut 31. marsi 2027 killigalugu akissarsiat pillugit isumaqatigiissummi atuuttut malinneqassapput.

Nuuk, ulloq 08. marsi 2024.

Sulinermik Inuussutissarsiuteqartut Kattuffiat

Nuup Bussii A/S

---

Jess G. Berthelsen  
Siulittaasoq

---

Mogens Nathansen  
Direktør